




随园随笔

5
25
8

八



門 曾 5  
第 25  
卷 8



隋園隨筆卷十二目錄

物事	把戲
乾阿嫻	樂戶
削手	陞官圖
骨牌	牙頭
廟像	名宦祠
鄉賢祠	羨餘
下掃合龍門	物以九計
信牌	金十星

隋園隨筆 卷十二目

印契

缸稅陸地稅巡攔

牛驛狗站

小嵐

老的

可憐見

籤押

坐轎

騎馬

坐馬

馬後鼓吹

着靴

銀襟袍

緞

釘鞋

緞

葉子戲

雨衣

雞毛文書

象棋

要扇

更衣所

念珠白八顆

圍裳帶

屏風

蒙古包

蒙古醫

自鳴鐘

哲那環

滿江紅

石灰

面具雨用

繩伎

草紙

酒旗

假山

通草花

燈

提燈

凳

剔齒籤

茶托子

靠背靠枕

曲柄傘

水車

刀圭

木匠墨筆

筆套

撞木鐘

抱佛脚

皮拚

界尺

發燂

人中

針線娘

翻筋斗

市

狐仙

老鴛

烟嫖

懼內

男倡

半男

八事

眼子

養瘦馬

酒跛鼻

寄子

尼作皇后

道士爲祭酒

奴封王

以書法封王

歌者封王

哭者補郎中刺史

善走者作節

攀越者得節度得節者

狀元下盤室

教坊為平章

理髮人補承信郎

宦官加太師封五

宦官為祭酒中甲科

宦官至明而尊極

狀元作皇帝

鬼附

還魂

窮鬼

活無常

果報

儒號法師

釋封國公稱將軍

算命

子平

相

陰宅

陽宅

術數在可知不可知之間

鬼神弄人

夢亦難信

天文雜憑

雷無知樹無知星亦無知

凡信時日卜數者無

夢兆與人無涉而知不勝

災祥不一

隨園隨筆卷十二

錢唐袁枚子才著

仁和邵希曾編校  
無錫賈崧

物事 俗語物事見隋書張衡放歸田里帝自遼更還都衡妾  
言衡怨望謗訕朝政竟賜盡于家臨死大言曰我為人  
作何物事而望久活監刑者塞耳促令殺之按所謂作  
何物事者謂煬帝奪宗之計也

把戲

元史禮樂志每歲二月十五日于大明殿啟建白傘蓋

佛事謂之遊皇城其諸色隊仗內興和署掌妓女雜扮  
隊戲一百五十人祥和署掌雜把戲男女一百五十人  
此把戲二字之見於史者

乾阿嫺

北齊書恩倖傳穆提婆母陸令萱嘗配入掖庭後主禪  
祿之中令其鞠養謂之乾阿嫺此後世乾阿嫺之稱之  
所自始也若何承下荀老荀伯子呼爲嫺母直以形如  
老嫺故耳

樂戶

北齊神武乘魏政遷都於鄴京畿羣盜頗起有司奏立  
嚴制諸強盜殺人者首從皆斬妻子同籍配爲樂戶其  
不殺人及贓不滿五匹魁首斬從者死妻子亦爲樂戶  
見魏書刑罰志後世樂戶之名所由仿也

劊手

主刑刀者名劊手宋史所載寧宗刻之時楊簡知温州  
以郡將違節制應斬建旗立巡別庭下召劊手兩行夾  
立數其罪命斬之劊手非忍人不能爲也而有善人  
焉潘美傳云信都人李超從潘美軍中主刑刀美好乘

怒殺人超每潛緩美怒解輒得釋金史酷吏傳稱馮內翰壁號爲馮劊

陞官圖

陞官圖前人謂之選格今謂之百官鐸相傳此圖乃倪鴻寶所作其官制皆明之官制也人以萬名雖從時而圖戲則自唐已有方千里骰三選格序云開成三年春予自海上北行次洞庭之陽遇二三子號進士者以穴骰雙雙爲戲更得周上以數多少爲進身職官之差數豐貴而約賤卒局有爲尉掾而止者有貴爲將相者有

連得美名而後不震者大凡得失不係賢不肖但卜其遇不遇耳柳子厚序棋一篇卽倣此意文獻通考經籍志有漢官儀新選一卷劉敞撰取西漢之官而附其列傳黜陟雜編之爲博奕之一物遼史言道宗晚年倦勤用人不能自擇令各擲骰子以采勝者官之

骨牌

骨牌之戲乃骰子之變故宣和譜以三牌爲率三牌乃六面也後人天九之戲見於明潘之恒續葉子譜謂分華夷二隊至今猶然譜云近叢睦好事家變此牌爲三



十二葉可執而行按此則今人骨牌拋湖之濫觴也

丫頭

丫頭二字見劉賓客贈小樊詩曰花面丫頭年十四春  
綽約向人時

廟像

平陽國志文翁守蜀造講堂作石室安帝時烈火為災  
帝興平元年太守高朕復造周公禮殿全蜀藝文志  
云二人皆有石像石室中有孔子坐像其坐歛蹠向後  
之膝當前七十二弟子侍於兩旁此廟像之始也隸續

載孔子見老聃畫像弟子侍者一人車上一人又金鄉  
山司隸校尉魯君冢前有石祠四壁青石隱起皆刻古  
忠臣孝子烈女之像載水經注

名宦祠

漢循吏傳元始四年詔祀百辟卿士有益於民者蜀郡  
以文翁九江以召父應詔歲時郡二千石率屬行禮晉  
書陸雲為浚儀令去官百姓思之畫像配食縣社此名  
宦祠之所由始也

鄉賢祠

傳曰鄉先生歿其人可祀於社者謂之瞽宗東漢孔融為北海相以甄子然祀於社此其始也其附學宮則始北宋宋史鄭俠卒州縣祀之于學其肴襍莫甚於明成化中給事王徽將卒戒其子欽佩曰鄉賢祠甚襍亂吾耻居其中切不可入見沈德符萬歷野獲編

羨餘

周禮凡起徒役毋過家一人以其餘為羨此後世羨餘二字之所由始然漢以前平準書中無此名色唐開元八年宇文融括籍外羨田張虛數以正田為羨編戶為

客歲終籍錢百萬緡德宗時劍南韋臯有日進江西李兼有月進杜亞李綺等俱以常賦入貢名為羨餘宋仁宗孝宗有屬下却進羨餘之詔后妃傳劉太后時漕臣劉綽自京西還進贖糧千斛乞付三司后曰卿識王曾呂夷簡魯宗道乎此四人豈以羨餘進者哉

下掃合龍門

河工下掃即古之撻漢孝武元年光中塞瓠於決下淇淇園之竹以為撻元帝永光中河決館陶河隄使者王延世塞以竹落長四丈大九圍盛以小石兩舡夾載而

下之卽今之下掃也沈存中筆談云凡塞河決垂合中間一掃謂之合龍門

物以九計

今貢物以九計取九五之義然元史君賜臣亦以九爲數耶律留哥傳世祖賜其妻姚里氏人九口馬九匹白金九定

信牌

宋眞宗咸平六年給軍中傳信牌輿服志云唐有銀牌發驛遣使則門下省給之其制濶一寸半長五寸面刻

五隸字曰敕走馬銀牌五代及宋初令樞密院給券謂之頭子高宗建炎三年又制有金字牌日行四百里卽岳飛在朱仙鎮所奉到十二道者是也遼史凡急事用銀牌日行七百里所到如天子親臨

金十星

今人以金一錢爲一星未知所出詳金史兀典傳

印契

宋史元絳知永新縣豪子龍聿誘少年周整博而取其田周母告官官驗有母手印存弗受及絳至母又來訴

院國隨筆 卷十二 六  
絳視券呼聿曰券年月居印上是必得周母他贖尾印  
而撰偽契續之耳聿駭伏高宗建炎五年始令諸州印  
賣田宅契券自今民間爭田執白契者勿用載食貨志

舡稅陸地稅巡攔

宋神宗元豐三年瓊管奏海南收稅較舡之丈尺謂之  
格納此舡稅也志又言添置專攔奴檢遇士大夫行李  
則搜囊發篋甚者貧民貿易於村落指爲漏稅而加罪  
焉專攔者今之巡攔也貿易村落之稅卽今之陸地稅  
也

牛驛狗站

元世宗中統三年自燕至開平立牛驛給鈔市車牛遼  
陽有狗驛一十五處原設狗三千隻除死亡外存實在  
狗二百八十八隻皆能馳遞文書

小底

今奴僕自稱小底小底二字見於晉公談錄劉承規在  
太祖時爲黃門小底頗有心力金史海陵召藥師奴爲  
小底又誅小底忽沙等逆臣傳贊金人所謂寢殿小底  
卽周官立政篇之綴衣也非今之小底也

老的

杭人呼市井年高者曰老的按元文宗本紀以阿伯等田宅賜諸王老的等六人

可憐見

今俗語哀恤之詞有可憐見三字按元史英宗赦書有四個大耳朶扶立了兩個哥哥可憐見嫡孫裕宗皇帝長子家語

籤押

今外官判文書曰籤押按南史故事府州論事皆籤前

書其所論之事後云謹籤月日故當時王府記室號曰典籤馬仙琕籤求應赴是也通雅云今吏書承行以紅籤帖其旁以便批決故曰籤押

坐轎

轎字見淮南王劉安諫擊闔越書輿轎而越嶺臨安志言坐轎始於宋建炎播遷以後揚州路滑許朝士乘擔子實爲坐轎之始余按唐會要開成五年黎幹奏朝官出使只許乘驛不許更乘擔子如病可牒明中書門下自出錢僱用云云此肩輿之始也又太宗時褚無量以

隨園隨筆 卷十二  
腰輿入殿昭宗時市人邀雀昭緯鄭延昌肩輿訢莫討  
李茂貞腰輿肩輿卽轎也或云桀紂以人爲車喪服小  
記庶人喪與天子同者三謂終夜燎乘人專道而行乘  
人卽轎也宋史肩輿神宗所以待宗室之老疾者熙寧  
五年太宗正宗室乘肩輿者踏引龍燭不得過兩對又  
留正傳正以五鼓肩輿逝去

### 騎馬

相傳騎馬始於趙武靈王余按詩之古公亶父來朝走  
馬子產之乘遽而至子家子將以公乘馬而歸皆騎馬

之先聲然古人多乘車不得已而乘馬故韋元成因雨  
騎馬入朝以之失侯顏延之騎馬出入里巷以之被議

### 坐馬

彭城王義恭傳乘誕馬卽今大官出巡前所列坐馬也

### 馬後鼓吹

今督撫出門馬後有細吹者卽古鼓吹也古今樂錄曰  
後漢以此樂賜邊將惟萬人將軍才得用之

### 着靴

今人以不着靴爲不敬而古人以着靴爲大不敬梁簡

文時嚴直學北人着靴上殿人呵之曰吾豈畏劉禪乎是以不着靴為敬也宋初沿五代舊制上朝着靴政和間改用履乾道七年仍用靴以黑革為之叅用履製而加鞞焉其飾有絢纒純綦開寶元年詔宰相以下具靴笏諸司使以下但繫鞋洪武二十年始許生員着靴

缺襟袍

今之武官多服缺襟袍子起於隋文帝征遼詔武官服缺襟襖子唐侍中馬周請於汗衫上加服小缺襟襖子詔從之馬縞中華古今注言之甚詳

緞

緞字不見經傳遼史道宗清寧十年詔南京不得私造御用采段此段字之初見史書者但古有緞字無緞字緞音遐急就篇註云履跟之帖也魏書釋老志興光元年敕有司於五緞大寺內為太祖鑄佛象云云此緞字不作今緞字之解至於四愁詩之贈我錦繡段杜詩之張舍人遺織成褥段此乃段四疋之稱非今之緞也

釘鞋

今蘇杭人行雨中多著釘鞋起於郭曙李昇扈從唐德

宗幸奉天至駱谷俱着行滕釘鞋見通鑑

繖

晉書王雅傳雅遇雨請以繖入為繖字初見然史記舜以兩笠自扞而下皇甫註云繖也

葉子戲

咸定錄唐李邵為賀州刺史與伎葉茂連江行無事乃撰骰子選號葉子戲咸通以來天下尚之鄭氏經籍編有葉子格三卷宋錢希公家有葉子戲譜

雨衣

左氏陳成子遇雨衣製杖戈注製雨衣也製讀與草聲相近徐鍇說文繫傳以為箠也

雞毛文書

今繁急文書必插雞毛見光武本紀注中又見魏武奏事

象棋

象棋見楚詞大招曰昆蔽象棋

要扇

漢制屏攝之位屏屏風也攝如今要扇



更衣所

周禮掌訝次于舍門外注如今更衣所

念珠百八顆

念珠之數一百八顆佛氏之義蓋取其十二月二十四氣七十二候而為之見瓦釜漫記

開裝帶

余每見骨董家持玉結子雕刻玲瓏者號開裝帶後讀香山詩曰貴主冠浮動親王帶開裝才知故是唐時物薛田亦有詩曰九苞縮盡佳人髻三開裝成子弟驪

屏風

周禮幕人掌次皇邸謂張羽色鳳皇之屏風漢制考曰屏浮恩也

蒙古包

今人號大帳蓬曰蒙古包即周書耆解之交閭也張赤帝於外臺以息諸侯隋有觀風行殿登時覆拆可容千人窗棂悉備亦即此意

蒙古醫

今治金瘡傷蒙古醫最神按元史布智兒從太祖征幹

羅斯國拔矢悶絕太祖命剖一牛腹納智兒於熱血中  
遂甦又郭寶玉從征契丹幾死亦以其法而活之此卽  
今蒙古醫之祖也

### 自鳴鐘

元順帝本紀宮女三聖奴十六人舞天魔金人司更出  
人進退旋轉如神卽今自鳴鐘也當時以爲奇

### 哲那環

每見僧衣肩下有大環不知其名後見鄭元祐遂昌襍  
錄云僧所帶者名哲那環

### 滿江紅

金陵江船名滿江紅初亦不解所謂偶閱張誼記聞云  
太祖居和陽時與徐達規江口虛實值除夕呼舟無應  
者有小舟夫頗二人欣然納之打號云聖天子百靈護  
佑大將軍八面威風帝大喜登極後封其船而朱之遂  
滿江皆亦因有是名

### 石灰

石灰見後漢書楊璇傳璇守零陵桂陽賊來攻璇以排  
囊盛石灰於車上順風鼓灰賊不能視遂破之趙王石

虎云吾欲以純灰三石洗吾腸胃何以生兒長成便欲殺父此皆石灰之初見於史傳者

面具兩用

晉書朱伺隨陶侃討杜弢戰於夏口戴鐵面射賊北齊蘭陵王長恭貌如嬪人乃刻木為假面臨陣着之宋狄青每戰必披髮帶銅面具此用之於戰陣者也漢志象人可罷韋昭曰今之假面隋書音樂志晉太尉庾亮卒其家妓追思亮因假其面執翳以舞取其諡以號之曰文康舞此假面之用於樂舞者也

繩伎

舞繩之戲自古有之張平子西京賦曰跳丸劍之揮霍走索上而相逢薛綜註曰索上者繫二繩於梁舉其中與兩人各從一頭上交相度也隋書音樂志大業三年突厥染干來朝帝欲夸之大陳倡樂以繩繫兩柱相去十丈二女對舞繩上歌舞切肩而過舊唐書音樂志亦云高繩伎今之戲繩者是矣

艸紙

今溷廁用艸紙拭穢見元史后妃傳宏吉刺皇后侍皇

太后于厠凡所用艸紙亦以面擦軟而進之

酒旗

酒旗始於宋人沽酒懸幟甚高見韓非子

假山

假山始於漢茂陵人袁廣漢築園攝石為山高十丈見

西京雜記

通艸花

通艸花始於秦始皇令宮人插五色通草蘇朶子見崔豹古今注

燈

三代上無燈字漢竹宮詞金枝秀華註金枝燈百二十枝也然燈字亦未明見惟古樂府相逢行曰中庭生桂樹華燈何煌煌此燈字之初見者至於周穆王設鳳腦之燈以冰荷覆其上則燈之最古者然出於拾遺記未可為典要也

提燈

吳獬事始以為今之提燈即古之懸火也魏明帝詩猛燭繼望舒亦懸火之類荀子弟子職曰捧椀以為緒緒

卽提燈

凳

凳字三代上未有古所云桼禁斯禁雖似凳屬而非凳也世說顧和外孫暝在凳下似爲凳字初見之始

剔齒籤

陸雲與兄平原書曰一日案視曹公器物牀薦席具疏篋剔齒皆在拭目琉璃筆一枝實以希聞景初三年劉婕妤折之見此使人悵然有感

茶托子

毛西河在馮益都相公席上辨茶盤所始引禮記桼禁斯禁以爲言余按周禮春官司尊彝鷄彝鳥彝皆有舟註若今時承槃蓋舟形如盤若舟之載物彝居其上也蜀相崔寧之女病茶杯熨手乃製茶托子則是後世之俗名耳

靠背靠枕

宋史輿服志有靠背椅卽松陵集之養和也皮日休以五物送魏不琢一日烏龍養和一日桐廬養和皆靠背也李鄴侯采異木蟠枝以隱背號曰養和顏氏家訓曰

近日貴游子弟坐棋局子褥憑方絲隱囊演繁露以隱囊為卽今之靠枕

曲柄傘

曲柄傘始于太公伐紂遇雨乃為曲蓋見古今注

水車

莊子桔槔之說注以木為之前輕後重抽若沃湯似今之轆轤非水車也魏畧曰馬鈞作翻車令童轉之而灌水自覆此水車之始

刀圭

刀圭者貨布也形如圭以刀受藥故醫經曰飲一刀圭

木匠墨筆

說文解字蒔以草以補缺約空也若今木匠所用之墨筆

筆套

諾皇記筆沓卽筆套也亦有稱帑者曼殊不棄紙千百為沓是也

撞木鐘

今俗語以言語虛誕有撞木鐘之說按漢百官表將作

大匠有東園主章章木之大者也師古曰今所謂木鐘者蓋章聲之轉耳

抱佛脚

抱佛脚者雲南蠻夷犯罪往寺抱佛脚得免以國主好佛故也見瓦釜漫記

皮排

今爐匠用皮排吹火見北史韋孝寬傳漢杜詩守南陽作水排以鑄農器杜預作人排

界尺

今界尺爲夏楚之用所以威童子也晉書庾后以牙尺打帝頭卽界尺也

發燂

杭人削松木爲小片塗以琉璃號發燂見北史周建德六年齊后妃貧者以發燂爲業疑燭卽燂字之訛清異錄名曰引光奴

人中

趙文敏問陳鑑如人唇以上號人中何也曰自此而上皆二竅自此而下皆一竅故曰人中三畫陰二畫陽泰

卦也

針線娘

北盟會編劉豫以妾劉氏為后劉乃宣和御侍欽宗時  
出嫁張保義保義死豫賣為針線娘所以立為后者以  
其識宮中儀制也

翻筋斗

翻筋斗見唐著作即崔合卿教坊記宋人有教無類賦  
云延壽門前猴翻筋斗朝元閣下馬舞柘枝

東西

今俗混稱某物為東西蓋取東作西成之義猶作史稱  
春秋不稱冬夏也一云南方火也北方水也此二物不  
便持取若東木西金皆可手取故泛號物名曰東西按  
南齊書豫章王蕭嶷傳嶷願武帝壽百年帝曰百年亦  
何可得但得東西一百于事亦濟

狐仙

今人祀狐仙以為至妄然其來久矣戰國策黃歇說秦  
頃襄王曰鬼神狐祥無所得食云云此為祀狐仙之先  
聲



老鵠

鵠一名鴻鵠見易林性淫逢鳥必與之交故字畫七十鳥爲鵠而今呼妓母爲老鵠

姻嫪

今嘗人私夫曰姻嫪本說文妓婿曰姻嫪一曰大陰人也

懼內

或問懼內始于何人予戲答曰始于要離要離將與人聞有萬夫莫當之氣其妻一呼而還非懼內而何唐中

宗朝優人唱回波詞云回波爾時栲栳怕婦也是大好外邊只有裴談內裏無如李老或嗤中書令王鐸云黃巢旣已南來夫人又將北至皆懼內事實也且亦始于戴禮曰妻之兄弟爲父後者死哭之適室父在則哭於妻之室又使人立於門外來者狎則哭謂隣里聞其哭聲而至也且來弔也其推尊妻屬不已甚乎朱溫擁百萬之師出征張夫人以一紙召登時卽返扈載畏妻有香三合水五申之嘲北魏元孝友請定官員娶妾之例無妾者以違詔論亦爲懼內人設也宋若昭女論語曰

五刑之屬三千而罪莫大於姦

男倡

宋政和間有男倡之禁犯者杖一百凡官府有不男之訟呼使驗之號師巫行頭見癸辛雜志

半男

半男半女號博义半擇迦見佛書心房二星形兼雌雄靈狸一體自為陰陽見博物志

人事

今人以饋物稱人事見韓昌黎謝許受王用男人事狀

眼子

吳俗晉妾大人曰眼子本考工記輪人望其轂欲其眼也註眼出大貌法言曰卒眼之則又一解與吳語無涉

養度馬

杭人以畜城為養度馬本自香山詩曰莫畜度驢駒莫養小妓女

酒皸鼻

呼赤鼻曰酒皸見柳子厚詩佳醅鼻成皸

寄子

今人恐子不育輒寄他人名下始於漢靈帝書子史道  
人家帝王世紀以為妻寄伊耆氏亦其証也

尼作皇后

唐武德元年沙門高曇成設齋而反自號大乘皇帝立  
尼靜宣為邪輪皇后

道士為祭酒

唐中宗以道士史崇恩除國子監祭酒道士葉靜能加  
金紫光祿大夫

奴封王

唐德宗奉天之役渾瑊奴黃塔力戰帝賞其功封渤海  
王故有捉瓶郭使君看馬李侯射之語

以書法封王

北史張景仁以八體書封建安王妻與命婦同班事事  
庸鄙

歌者封王

曹妙達山西人北齊時後主以其善歌封王又授安馬  
駒為調府一時有赤彪儀同關鷄開府之語嚴祖為蜀  
王衍刺史莊宗克蜀召加問以何能作刺史曰以歌上

國經秋楚周行逢署官冗濫徐鉉雅曰公司空滿川木保疆地

吳者補郎中刺史

漢恒帝時宣陵市人赴大行之喪以善吳者為孝子悉召補郎中宋劉德願以吳殷貴妃哀孝武授豫州刺史善走者作節度

五代史幽州王進以疾足善走而擁旌節漢高祖鎮河東遣王京師往返不過五六日

擊毬者得節度手搏者得節度

唐僖宗與群臣擊毬賭三川節度使陳敬瑄得第三籌遂為西川節度蜀人皆驚不知為誰唐莊宗與李存賢手搏曰能撲我當授藩鎮存賢撲帝竟授盧龍節度使狀元下蠶室

南漢劉龔呼士大夫為門外人其親近任事者雖翰林狀元必先下蠶室割其勢而后用之

教坊為平章

元武宗以教坊達魯花為全平章事符堅亦拜伶人為左右官箴以其諫獵也

理髮人補承信郎

宋史宦官傳甄士昌工理髮補承信郎

宦官加大師封王有諡

宋政和元年進童貫爲檢校太尉使契丹既而以平方臘復燕山功封廣陽郡王加大師封徐豫兩國公履請賜諡忠定

宦官爲祭酒中甲科

唐宦官魚朝恩領國子監祭酒爲諸生講經宋梁師成隸賈祥書藝局領睿思殿文字竄名大觀三年進士籍

中其小吏儲宏亦豫科甲而執廝養之役如初師成號稱隱相童貫號媪相宋太祖定令民間有鬪童男者死然王繼恩李神祐俱領兵爲將或觀察或刺史不可謂貽謀之善也神宗以李憲監軍復唐故事而童貫遂出憲門

宦官至明而尊極

唐時宦官雖橫然士氣頗申建州進士葉京常佐宣武軍識監軍之面及第遊街遇監軍一揖而同年譁然鄙之遂至終身不齒

狀元作皇帝

西夏李遵頊以宗室策試進士及第為大都督府主宋  
嘉定四年夏主安全殂遵頊立改元光定在位十三年  
諡曰英文皇帝廟號神宗

鬼附

鬼附人身之說始於左氏申生語狐突曰新城西偏將  
有巫者而見我焉是申生託巫者以見形也漢書廣陵  
王胥傳女胥泣曰武皇帝下我是武帝附女胥以傳語  
也二事雖不經要是鬼附人身之始見經傳者

還魂

晉左傳得秦謀殺之終市七日而蘇或以為借尸還魂  
前漢五行志女子趙春死六日而活自云見其亡父告  
以二十七歲不當死此亦還魂之初見經傳者

窮鬼

今人有至富極貴而刻苦自甘者余以為此窮鬼之轉  
世者也按山海經黃帝之孫嵩陽子生為帝王之孫而  
性好敝衣惡食不勝其苦至於正月晦日死於窮巷此  
豈非窮鬼之祖歟海瑞巡按金陵定制官船只許十五

名夫既而身先奉行身攔泥中幾於餓死乃發錢僱夫而行又杖御史之演戲者餓死其小女之受蒼頭一餅者是皆窮鬼之流弊不可為訓

活無常

今人有夜臥司冥間徭役者號活無常不見史傳余按宋史張永德傳柴翁村學究也女入莊宗宮後被亂出父母迎之女曰兒見溝壑郵舍隊長項黠黑為雀形者極貴也願事之後周祖受禪民間未知柴翁獨居稱司冥間事忽早起大笑曰花項漢作天子矣周祖果受漢

禪此即今之活無常矣

果報

三代以上無談果報者余按左氏周歇殺元咺及為卿後入門遇疾而死此果報也嗣後則晉景公之夢厲荀偃之生瘍衛出公之夢漚良夫皆接踵而至不待佛入中國矣

儒號法師

魏書儒林傳孫惠蔚先明字名蔚正始中侍講禁內夜論佛經有愜帝旨詔使加惠號惠蔚法師焉北史儒林傳

後周熊安生學為儒宗與同郡宗道暉張暉紀顯敬徐遵明等為祖師

釋封國公稱將軍

釋氏有稱將軍者魏志載法果授以輔國宜城子忠信侯安城公等號皆固辭及卒贈老壽將軍趙胡靈公又曇證亦加號老壽將軍唐代宗時胡僧不空官至特進大鴻臚開府儀同三司蕭國公通籍禁中勢移公卿見舊唐書王績傳及徐浩書不空和尚碑樊川集燉煌郡僧正除州學博士至若元之劉秉忠明之姚廣孝則又

官至太保少師且還俗矣

算命

史記孤虛之術以五行甲子推人休咎徐陵集五行有驛馬之言六甲有官鬼之說小弁詩曰天之生我我辰安在箋辰者六物之吉凶左氏晉侯問伯瑕何謂六物曰歲時日月星辰是也服虔以為歲星之辰左行於地十二歲而一周蔡邕九惟曰天之生我星宿直貧六極之元獨遭斯勤此皆今日算命合五星之始也古人但用支干月日而不用時呂氏祿命篇李虛中算法俱不



用時亦本洪範篇周禮馮相氏之例耳臨孝恭有祿命  
書陶貞白有三命抄畧富鄭公避申酉祿絕之運而六  
十致政王安石避午上祿敗之運而五十六致仕蘇子  
客避丙戌火庫祿衰而七十致仕蓋惑於是說賢者不  
免呂才駁云始皇法無奴婢而得天下魯莊法當醜陋  
而美貌多才長平坑卒未聞共犯三刑南陽貴士未必  
皆逢六合宋費補之梁溪漫志駁云一時生一人一日  
只生十二人以一歲計之只生四千三百二十人以一  
甲子計之止有二十五萬九千二百人亦止有二十五

萬九千二百命而已今一郡戶口不下數百萬則同年  
同月同日同時多矣又何貴賤貧富之不同哉文文山  
贈朱斗南序亦云命只五十一萬八千四百而八字之  
變盡矣今人又以七政四餘入算則六十年以後之人  
八字同而星盤不同樵書云草木瓦礫皆有一定之命  
有槐子落地出芽日者算之當如王者受萬人禮拜壽  
若干年而終後果塑爲佛像香火甚盛至期被焚宋洪  
彥升奏禁天下士大夫談命倭佛劫郭天信以談命太  
進用又洛陽李叟與明太  
祖同八字帝召見問何業曰老民養蜜蜂十三窠以之度

日太祖曰此似我食十三省布政司稅也此亦附會之說余意大撓作甲子原不過標題名數甲乙子丑猶云一二三四也並無意義有何生尅配合之說或曰人亦無姓名今派之姓某名某則呼之卽應支于水火理亦宜然余駁之曰人靈物也故呼之卽應若草木禽獸派以姓名不能呼之卽應也況支于之本屬虛無者乎韓昌黎作李虛中墓志極言其推人年壽了無一失何以不知己身之壽命而服金石以速死也王荆公泚說一篇寫盡貴人好算命之陋宋金華祿命論一篇亦言之

最詳楊慈湖譏真西山云希元有志聖賢而好算命終竟名利之心未斷如何人道金世宗大定三年詔三品以上除嫁娶修造安葬外不許推算相命違者革職徒三年其時防禦使曹貴李芳俱以妄談命陷罪

### 子平

推命者有子平五星之分子平者人名也名居易五代時人與麻衣道者陳希夷交好李虛中之後惟子平能造閩奧見弇州說部

### 相

相術最古左氏穀也豐下一語爲相法權輿荀子非之  
歷言堯長舜短禹跳湯偏以駁之余嘗笑荀子必醜王  
充所謂天晏暘者夜星燦爛人性文者掌文藻炳亦至  
理也然聖狂吉凶亦多無定筮重瞳項羽亦重瞳李後  
主亦重瞳劉備手垂過膝而興蜀王衍手垂過膝而敗  
北史之劉元進南齊之王元初皆手垂過膝而謀反伏  
誅王莽時甄尋手文有天子二字被誅晉陳廣女有文  
在其足曰爲天下母四字炙之愈明卒不驗王和女足  
下有七星自稱當母天下卒被誅南史庾翼相貌魁梧

人稱當爲方伯而卒以饑死褚蘊面角尖危縱理入口  
而衣祿頗豐其有驗而不驗者薄姬在魏王豹宮許負  
相之當生天子豹心喜背漢反而不知姬沒漢宮乃生  
文帝唐李錡據潤州有相者言丹陽鄭氏女當生天子  
錡乃納爲妾不知敗後沒入掖庭得幸憲宗竟生宣宗  
李守正爲河中節度使相者聞其子婦符氏聲曰此天  
下之母也守正喜遂以反誅而不知符氏乃柴世宗皇  
后也豈姑布子卿之術又未可以皮相耶

陰宅

言葬經者不始於郭璞史記樗里子言後世當有天子之宮夾我墓漢書劉向奏王氏墳在濟南者樹皆交柯連葉上高出屋有立石起柳之象袁安傳書生指某地曰葬後世出三公孫鍾遇三少年乞瓜爲指葬地此言陰宅風水之始也呂才駁之司馬溫公駁之最爲明快若伊川之駁葬經言培其本根而枝葉自盛此非駁之乃助之也理學先生往往惑於風水將平日義利之辨一旦抹殺不知世之父母肥而子孫瘦父母壽而子孫夭者多多矣在生之根本尚無補於枝葉而況死後乎

漢廷尉吳融以人所封之地葬母人皆言必族滅而子孫貴盛見後漢書隋文帝曰我家墓田若云不吉我不當爲天子若云吉我弟不當戰死見隋書宋文潞公穿漵渠司天者言不利時仁宗病後改築潞公卽命司天者往乃更言前穿無害恐將來有不利則改者受罪故耳見羅氏識遺源乾曜得張說門左之地村夫爲之卜葬俚斗爲之書碑而泓師知其必貴見新唐書風水之不驗班班可考今人猶惑溺不醒真乃下愚蔡元定好地理貶後人以詩嘲之云先生果有堯夫術何不先言去

隋書卷之二十一  
道州柳仲塗曰善葬之家必不昌黃巢李自成之敗俱以掘其祖墳故也乃唐高祖起兵亦被長安留守盡發其祖墳而依然無恙宋明帝惡蕭道成墓有五色雲氣暗遣人以鐵釘長五六尺者釘墓四維以爲壓勝而卒無驗蔡京酷嗜風水葬其父於杭之臨平以錢唐江爲水越之秦望山爲案似乎大吉矣而全家灰滅元史龍岡失火廉希憲謂太常卿田忠良曰上都聖上龍飛之地偶爾失火慎勿令妄談地理者有所更移斯言得之矣

陽宅

言宅經者不始於五姓史記韓昭侯作高門屈宜臼曰昭君不出此門矣此門不時吾所謂時非時日也果高門成而韓侯卒自此說興踵其後者漢哀帝疾匈奴來朝嫌其從游來故以太歲厭勝之道館之上林王莽以王后年十四有子孫瑞故通子午道從杜陵直絕南山徑漢中曹完碑河平元年曹君閔縉紳之途不濟開南寺門承望華嶽卒使學者李儒等獲人爵之榮漢書來歷傳皇帝數幸乳母王聖舍太子府監那吉以犯土禁

不可久御此皆陽宅拘忌之始不知陰陽家西不益宅而王充以東家之西卽西家之東漢書司隸校尉趙興每人官舍移改穿築故犯妖禁而爵祿益豐宋書孔靖守吳興項羽不敢與之爭室梁書蕭深遷憤王廟憤王不敢作崇善乎孟嘗君曰文受命於天不受命於戶稽康宅無吉凶論曰設三公之宅而命愚民居之必不爲三公可知也王符潛夫論曰同一宮也成康居之興幽厲居之衰此數言最爲明決或云陽宅不可不慎南史載南朝丁奉宅居之者孫皓敗蘇峻敗司馬修之敗王

僧綽被殺不知孫皓蘇峻雖不居此宅有不敗者乎王僧綽殺身成仁雖凶亦吉也

術數在可知不可知之間

術數之學在可知不知之間爲人謀或驗爲已謀便不驗且一有私已之心便爲造物所忌漢昭帝時眭孟奏公孫病已當立言驗而已以妖言誅哀帝時夏賀良欽陳聖劉太平皇帝之讖而以不道誅言亦驗張竦以反支日不行爲賊所殺王匡以六甲窮日不出兵爲鄧禹所敗東漢郎覬奏國家地震鮮卑當入寇所言驗而已

不肯與孫禮交乃爲所殺劉歆以名應圖讖故叛莽不知劉秀乃光武欲待太白星出方起兵應漢而不知事洩死後太白星果出晉孟觀以紫微不動故爲趙王倫守河北不應齊王罔之兵致夷三族不知紫微所應乃元帝非趙王也郭磨號稱聖人呂光奉爲神師起兵時以爲滅姚者晉故奔晉被殺不知滅姚者晉臣劉裕也索靖知姑臧城南石地當起宮殿而不知己之被壓以卒魏劉靈助反于固城占云三月之末我必入定州爾朱氏不久當滅及事敗伏誅函首入定州果三月末而

爾朱氏亦竟滅孔熙先觀天文知宋文帝必不善終故謀反伏誅後文帝乃爲元凶所弑知江州當出天子故立彭城王義恭不知應在武陵王駿非彭城也梁武與張宏策談天文歷歷皆驗自知天命在己不知後有臺城之厄劉養正以帝星在吳頭楚尾故勸袁濠反不知應在嘉靖也梁武陵王紀起兵蜀星七說紀曰官若東下當用申年太白出西從之爲利申歲發蜀酉年入荆不可失也發蜀之歲太白在西及至明年則已東出紀乃敗誅其他如郭璞之銜刀被髮慕容紹宗之自投水

中斛律羨之鎖頸出城顏惡頭之自知兀在彭城而子  
年之自知爲人還債皆前知厭勝而卒無救善乎三國  
時趙達精術數而不肯傳其書曰先人挾此術圖作帝  
王師乃三世不過太史郎所謂藝成而下也宋仁宗病  
天文官言穿六塔河于北致上體不安文潞公卽使其  
人定方位其上懼上病不痊謂其術之不善乃更言六  
潔在東北非正北請依舊制而仁宗竟愈

鬼神弄人

鬼神弄人如武帝時之神君孫權時之王表皆明載史  
册卒無補於國家其戲弄人而誘之敗者東漢張滿讀  
讖文應己名姓故謀叛臨誅乃曰讖文誤我張豐得石  
璽大喜自稱無上大將軍謀反事敗臨誅猶指肘後璽  
不忍決捨晉天福年張遇賢見太白山神自稱崔浩爲  
之謀主破江淮數州有問必應忽神去問之不應兵敗  
伏誅唐敬宗時染坊供人張韶卜卦當升殿坐與火伴  
蘇元明對食乃作亂竟殺詰者果升清思殿與元明同  
食食畢捕者至事敗伏誅宋吳曦見月中人舉鞭相揖  
月中人答之以爲大貴遂謀反以誅明季崑山徐某作



亂鄉人不從乃卜于神以關神廟鐵刀置水浮則起兵力重百二十斤以爲必沉也投之竟浮水面衆咸驚駭頃刻從者萬人亡何事敗一村皆誅

夢亦難信

不特陰陽術數不可信也卽夢寐之事一信之便爲鬼神所弄如叔孫豹夢天厭己而得豎牛之禍趙武靈王夢處女鼓琴而歌乃納吳娃卒至奪嫡餓死張敬兒夢全體熱而謀反被誅梁武帝夢中原混一而次日納侯景之降竟以亡國漢武帝夢木人欲擊帝而枉殺皇后

太子徐知詰夢吞金丹而次日方士獻藥服之以俎宋史臧丙傳丙舊名愚夢父召丙立于庭指天曰老人星見矣仰視之果黃明而大喜以壽星出丙入丁故改名丙字夢壽及其死也壽止五十一杭州沈濟之夢神謂曰汝後園有藏金一甕可往掘之沈問何處神曰但見有草繩縛福字錢者是也次日往園果見錢繩福字宛然大喜掘至丈許查無所得以此竟成狂易之疾柘城李少司空季子繼遷成進士司空及太夫人歿後繼遷患危疾夢太夫人教服參因以告醫醫曰參與病相犯

不可服是夜復夢太夫人教醫言不可聽汝求生非參  
不可我有參幾許在某處可用採之果得服之夜半發  
狂死陸射山徵君夢尊人孝廉公云吾窀穸內爲水所  
浸甚苦臯亭山頂有地一區係某姓求售曷往買而移  
葬吾神所依也訪之果合因以重值得之及改葬舊穴  
了無水且煖氣如蒸悔已無及遷葬後徵君日就困躓  
子孫流離江寧報恩寺僧房每科場年賃爲舉子寓六  
合張生員者主某僧房有年其寺主老僧已死張以獲  
雋之難心灰數科不至忽一歲老僧託夢其徒曰速買  
弛我譴責非誑也

天文難憑

越得歲而吳伐之吳卒亡于越此左氏語也然慕容超  
之亡歲星在齊而劉裕滅之何耶同一五星聚箕而齊  
桓以霸祿山以亡同一星孛大角而始皇以帝項羽以

隨園隨筆 卷二  
敗譙周稱熒惑守歲魏文帝殂二國無恙故以魏為正  
統然天官書月犯心大星王者應之三國時有此變而  
昭烈殂吳魏又無恙

雷無知樹無知星亦無知

梁天監中雷書太陽門曰紹宗梁王惟武王一時人以  
為武陵王紀必紹帝位矣後武陵王竟不終宋將亡文  
文山見真州樹紋生天下趙三字心大喜以為是臣食  
葉公孫病已立之徵卒不應見文山集星隕相州人疑  
韓魏公當之已而魏公無恙乃庸相王貽永堯貽永亦

判相州事欽宗內禪帝星復明已而北遷崩於沙漠

凡信時日小數者無不破敗

王莽性好時日小數卒以破敗事在傳中晉廢太子通  
性拘小忌不許修墻動瓦亦被藥杵椎殺桓元臨敗召  
諸道人推算為壓勝法卒伏誅宋明帝尤信鬼神多忌  
諱移床治壁先祭土神改駟字為邊瓜呼白門為宣陽  
門年三十四而崩以昭明太子之賢而以母丁貴嬪葬  
地有不利長子之言為壓勝法埋蠟鷲于墓側致為武  
帝猜疑慚懼而薨善乎元入就日錄曰大凡見理明之

人五行神鬼皆不能拘陶淵明亦曰痴人前不說夢達人前不說命

夢兆與人無涉而邪不勝正神鬼生于人心

趙簡子夢童子羸而歌是年吳人郢與趙無干喬太尉夜見東壁正白如開門是年楊秉死與喬無干風俗通載李君神石賢士鮑君神之類皆起于一人之誣罔而從者若狂卒之神亦烏有五行志王周南家鼠白晝人立曰王周南某日死周南坦然不應亡何鼠自顛仆而上畫漫錄范文正公修史載某隱慝夜夢某怒云不改

史將禍爾子公不改果長子純禮亡夜又夢某言云再不改將禍爾次子果次子純仁病全家泣請公終不改已而純仁病愈此邪不勝正也東坡志林宋將石普醉怒羹失調命斬厨人其夫人憐而縱之爲報斬訖亡何普患病見此厨瀝血持頭立床前索命夫人向普開說告以並未斬也普不信愈哀號乞命夫人不得已遣人四路覓厨者來普一見而病愈淨法禪師夜踏菜葉悞以爲踏死蝦蟇心中耿耿輪回時遂入惡道此鬼神生於人心也

災祥不一

古人四靈爲畜麟鳳皆祥瑞之物而徐楚金說文繫傳言麟出春秋非瑞也小鳥生大鳥猶桀之變大殷爲小殷禹錫元圭爲賞而張武錫金錢爲辱也晉中興書曰甘露降王者恩及耆老則松柏受之能用賢人則蘭蕙受之是甘露瑞也然汝南先賢傳都尉廳前有甘露功曹鄭敬曰此非甘露乃青木汁也陳祥明中松林冬月出甘醴人呼爲爵飴有則草木必枯是甘露非瑞矣京房易傳曰河水清天下平鮑照有河清頌是河清瑞也

然漢延禧八年黃河清襄楷奏爲災天子宜修省唐五行志亦然日知錄竟歷數漢唐以來河清爲革代之兆是河清非瑞也光武與嚴子陵臥太史奏客星犯帝座佳話也桓帝與白衣人蒲博太史亦奏客星犯帝座非佳話也天官書本以客星爲災星天瑞五色雲人瑞鄭仁表唐以爲祥韓魏公臚唱太史奏五色見宋以爲祥然天文志云五色雲妖雲也見則年穀不登御覽引宋書景平元年有雲五色而徐羨之等廢少主則又以爲災矣梁書張后家昌蒲花生武帝以爲大瑞齊永元



